



NATURVERNFORBUNDET I TELEMARK

Vetle Mules vei 16, 3944 PORSGRUNN

e-post: telemark@naturvern.no

Norges vassdrags- og energidirektorat –NVE
Konsesjonsavdelinga,
Postboks 5091 Majorstua
0301 Oslo

Høyringsvar – Klovfoss og Støyldalen kraftverk. Håtveitåa – Nissedal kommune.

Naturvernforbundet i Telemark (NVT) vil tilføre saka nokre nye moment. I fylgje Norges vassdrags- og energidirektorat (NVE), er det det som skal til for at NVE skal vektleggje eit høyringsvar.

NVT vil i tillegg peike på nokre fakta, dokumentera i konsesjons søknaden, som må vektleggjast på ein annan måte enn det Skagerak Kraft AS gjer.

Skagerak Kraft AS skriv at tiltaket vert lite synleg. Det er feil.

Håtveitåa er del av eit stort og viktig landskapsrom langs **Telemarks største innsjø – Nisser**. Dette landskapsromet strekkjer seg frå vestsida – Håtveitåna, Fjone m.m., og over på østsida av Nisser – Kyrkjebygda m.m.

Delar av Håtveitåa, med fossar, er godt synleg frå store delar av Kyrkjebygda.

Dette er eit moment som må vektleggjast, i den grad NVE meiner at **Telemarks største innsjø - Nisser**, er av betydning som del av eit landskapsrom saman med tilstøytande vassdrag, som mellom anna Håtveitåa.

Skagerak Kraft AS skriv vidare at området rundt Nisser frå før er sterkt påverka av kraftverk og reguleringar, så eit vassdrag til i rør har liten betydning.

Dei har rett i at området rundt Nisser er sterkt påverka av kraftutbygging, men sett frå NVT sin ståstad så er det ein logisk brist at det skulle vere fornuftig å leggje det siste urørte vassdraget på vestsida av Nisser i rør. Slik situasjonen nå er, så er det faktisk endå viktigare å bevare Håtveitåa urørt.

NVT meiner det vil vere rett å la dei vassdraga som fortsatt er urørt, få renne fritt ut i **Telemarks største innsjø - Nisser**.

NVE viser i sin argumentasjon til nokre verna vassdrag , vassdrag som ikkje renn ut i Nisser, og meiner at det som er verdt å ivareta, blir ivaretekje i desse verna vassdraga.

NVT viser til fakta , at ingen vassdrag som renn ut i Nisser er verna. Difor er det av stor betydning at Håtveitåa ikkje vert utbygd, som det siste urørte vassdraget på vestsida av Nisser. Slik at ein fortsatt kan få lov å oppleve urørte vassdrag som renn fritt ut i **Telemarks største innsjø - Nisser.**

Dette har både utbyggjar – Skagerak Kraft AS, og NVE eit ansvar for å bidra til. Vi må alle vise «magemål», ikkje berre privat, men også i utbyggjings samanheng. Vi må la noko natur få lov å berre vere natur. Det treng vi som storsamfunn, og det er både god samfunnsøkonomi, og god helseførebyggjing.

Til slutt vil **NVT** peike på at tiltaket vil føre til bortfall av INON –område. Norge og Nissedal har ikkje noko INON- område å miste.

NVT ber med dette om at NVE ikkje gje konsesjon på desse kraftverka.

Med venleg helsing



Torfinn Sanden, [Naturvernforbundet i Telemark](#)

Nissedal, 11.12.13